

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

vnd in capseel. vnd in iren dörffern vnd in iesue. vnd in molada. vnd in betphaleth. vnd in aserfual. vnd in bersabee. vnd in iren enden. vnd in sichselech. vnd mochoa. vnd in iren enden. vñ in remmon. vñ in sara. vñ i herimuth. zonoa. odol lam. vñ in iren dörffern. lachis. vñ in irē gegen ten. ezetha. vñ in irē endē. Vñ sie belibē in bersabee vntz zu dem tal emmon. Aber die sūn beniamin. ageba. methmas vnd hay vnd bethel. vñ mit irē töchtern anatoth. nob. anana. asor. rama gethai. madid. seboim. neballath. lod vñ ono. in dem tale der werckmeyer. vñ die teyl von den leuten iuda. vñ beniamin.

Das XII. Capitel. welche priester vñ leuten. zu den zeytē zorobabels. vñ ioachims gewest sind. vñ vō versamlung d̄ prierster vñ leuten in iherusalē. vnd von teylung des volcks in zwen teyl. vñ was sie fürter handeltē.

Wer ditz sein die prie

ster vñ die leuten die da aufstige mit zorobabel dem sun salathiel. vñ iosue. saria. iheremias. esdras. amaria. melluch. accus. sechemiam. reum. merimuth. addogenthon. abiamiamin. madaia. belga. semeia. vñ ioarib. vñ idaia. sellum. amoch. elceia. adaia. Dise waren dye fürsten der priester vñ ir brüder in den tagē iosue. Aber dy leuten. iesua. bennui. cemihel. sara. bia. iuda. mathanias. sy vñ ir brüder waren vber die lobē. vñ bechbecia. vñ ethanni. vnd ir brüder ein yeglicher in seim ampt. Josue aber gebor ioachim. vñ ioachim gebor eliasib. vnd eliasib gebor ioiada. vñ ioiada gebor ionathan. vñ ionathan gebor ieddua. Aber in den tagen ioachim. waren priester. vnd fürsten der ingesinde saraie. vñ maarie. iheremie. vñ ananie. esdre. mosollam. amarie. iohannan milico. ionathan. sebenie. ioseph. aran. edna. maraioth. elci. adaie. zacharie. genthon. mosollam. abaie. zecheri. miamin. vnd moadie. phelti. belge. sammua. semeie. ioathā. ioarib. mathanai. iodaie. azi. sellaie. cellaie. mochober. elchie. asebie. idaie. nathanabel. Die leuten in den tagen eliasib. vñ ioiada. vñ ionathan. vnd ieddua. geschriben fürstē der ingesinde vñ priester in dem reych darij perse. Dy sūn leui dy fürsten der ingesinde sein geschriben in dem buch der wort der tag. vñ vntz zu den tagen ionathā des suns eliasib. Vñ die fürsten der leute aser

bia. serebia. vñ iesue. der sun cedmihel. vñ ir brüder durch ir ordnung. das sie lobten vnd bekenten nach dem gebot dauid des mans gots. vnd behüten gleych durch dye ordnung. machania. vnd bechbecia. obedea. mosollam. thelmon. accub. hūter der tor vñ der hōf vor dē toren. Dise waren in dē tagē ioachim des suns iosue des suns iosedech. vñ in den tagen neemie des hertzogen vñ esdre. des priesters vñ des schreybers. Aber in der weyhung der maur iherusalem. suchte sy die leuten von allen iren stetten. das sye sie zufürten in iherusalem. vnd machten dy weyhung vnd die freude in der wirkung der gnaden. vñ in dem gefange in den schellen. in den psalterien vnd in den harpfen. Darumb dy sūn der singer wurden gesammelt. vnd von den veldē vmb iherusalem. vnd von den dörffern netophachi. vnd von dem hawos galgal. vnd von den gegen ten geba. vnd asmauech. wan dy singer heten in gepawen dörffer in dem vmbschwayff iherusalem. Vnd die priester vñ die leuten wurde gereyniget. vnd sie reynigten das volck. vñ die tor vnd die maur. wann ich hych auffgeen auff die maur die fürsten iuda. vñ stellte zwu groß scharen der lobenden. Vnd sie giengen zu der gerechtē auff die maur zu dē tor des kots. Vnd osias gieng nach in. vnd das halb teyl der fürsten iuda. vnd azarias. esdra. vnd mosollā. iuda. vnd beniamin. vnd semeia. vnd iheremia. Vnd von den sūnē der priester. in den hōrnern. zacharias der sun ionathan der sun semeie. d̄ sun mathanie. d̄ sun michaie. d̄ sun sechur. d̄ sun asaph. vnd sein brüder semeia. vnd azarel. malalai. galalai. maai. nathanael. vnd iuda. vñ anani. in den vassen des gefangs dauid des mans gots. vnd vor in esdras der schreyber. vnder dem toze des brunnen. Vnd sy stigen auff gegen in in d̄ hōh der stat dauid. in der aufsteygung d̄ maur auff das hawos dauids. vñ vntz zu dem tor der wasser zu dem aufgang der sunnen. Vnd dy ander samlung der. die da machten genad. gieng her entgegen. vnd ich nach im. vñ das halb teyl des volcks auff der maur. vnd auff den turn d̄ ofen vñ vntz zu der braytisten maur. vñ auff dem tor effraym. vñ auff dem alten tor. vñ auff dem tor d̄ visch. vñ den turn anauehel. vñ dē turn emath vñ vntz zu dem tor der herde. vñ stundē teglich vnder dem tor der hut. Vnd die zwu samlung der lobenden stundē in dem hawos gots. vñ ich vnd der halb teyle der meyster schaff mit mir.